

子亮治天下欣欣焉人樂其性賈山傳天下皆訢訢焉師古曰訢讀與欣同詩云降福穰穰甘泉賦選巫咸方叫帝閭開天庭兮延羣神  
之次秦之分也巡陵者巡幸諸陵也唐元宗紀開元元年十月癸卯  
講武于驪山封岱宗方祀后土掩栗陸而包陶唐王贊曰唐書志開元十三年有事泰山詳見題註栗陸氏陶唐氏皆古帝王之號即史封禪書所謂古者封泰山禪梁父七十二家之二也莊子子獨不知至德之世乎昔者容成氏大庭氏伯皇氏中央氏栗陸氏驪畜氏軒轅氏赫胥氏尊盧氏祝融氏伏戲氏神農氏當是時也民結繩而用之陶唐帝堯也  
遨遊乎崆峒之上汾水之陽王贊曰莊子堯治天往見四子藐姑射之山汾水之陽窅然喪其天下焉又黃帝立為天子十九年令行於天下聞廣成子在於崆峒之上故往見之而問至道  
吸沆瀣之精英黜滋味之馨香貴理國其若夢幾  
華胥之故鄉王贊曰楚辭食六氣而飲沆瀣者北方夜半之氣也西都賦鮮顥氣之清英史律書萬物皆成有滋味也莊子曰聲色滋味不待學而樂之嵇康養生論滋味煎其五臟書至治馨香甘泉賦猶彷彿其若夢列子黃帝書寢而夢遊於華胥氏之國華胥氏之國在箕州之西台州之北不知斯齊國幾千萬里蓋非舟車足力之所及神遊而已其國無師長其民無嗜欲自然而已黃帝既悟怡然自得召天老力牧太山稽告之又二十九年天下大治幾若華胥氏之國焉

於是元元澹然不知所在若羣雲從龍衆水奔海  
馬王贊曰晁錯傳元元之民幸矣長揚賦海內澹然淮南子來不知其所之周易曰雲從龍風從虎莊子天下之水莫大於海萬川歸之而盈不此真所謂我大君登明堂之政化也  
帝紀注明堂所以正四時出教化也豈比夫秦趙吳楚爭高競奢結阿房與崇臺建姑蘇及章華非享祀與嚴配徒掩月而凌霞由此觀之不足稱也况瑤臺之巨麗復安可以語哉王贊曰張平子東都賦是時也十雄並爭競相高以奢麗楚築章華於前趙建崇臺於後史記秦始皇作前殿阿房東西五百步南北五十丈上可坐坐萬人下可以建五丈旗越絕書曰吳王起姑蘇之臺五年乃成高見三百里史記越成吳敗之姑蘇漢書伍被曰子胥云將見麋鹿遊於姑蘇之臺姑蘇胥即姑蘇也左傳楚子成章華之臺於乾谿一朝叛之史記趙武靈王起叢臺太子圍之孝經孝莫大於嚴父嚴父莫大於配天設郡地中古文冊書曰桀作傾宮飾瑤臺  
敢揚國美遂作辭曰  
穹崇明堂倚天開方龍力孔切從則孔切鴻濛構瓌公回切材方偃蹇塊烏朗切塤母黨切邈崔嵬兮周流辟雍及魚切